



# LUNA CU SOLO


**Un dia, den e mundo magico di Carnaval di mucha di Aruba, tabata tin un grupo conocir bou di e nomber di "Empire Kids".**

E tabata nan di dos aña participando den e paradanan, i nan storia tabata sublime!

Den nan prome aña, Empire Kids a laga e huradonan sin palabra cu nan tema "**Sapate**", un celebracion di idioma Papiamento i canticanan tradicional di mucha, cu un toke di e ritmo di soca i caiso. Unda e banda **Buleria**, hunto cu su invitadonan, cantantenan infantil y hubenil i 75 mucha homber i mucha muhe tabata baila riba e caya nan di Aruba, y asina logra captiva tur hende cu tabata mira nan. Pero ese tabata solamente e cuminsamento di nan storia magico.

E aña aki, cu hopi emocion i creatividad, nan tin un sorpresa especial pa tur hende. Nan a manda un invitacion na **E Sapate**, e zapatero famoso di aña pasa, paso Empire Kids" ta haña cu ta di suma importancia pa recicla y reusa material. Cu hopi emocion y alegría e zapatero B.O. a accepta pa asina yuda e grupo traha un par di sapato special pa e estimado Dr. Edward Cheung. Pakico **Dr. Edward Cheung?** Pues, e mision di Aruba su ingeniero Dr. Cheung tabata di otro nivel; **un bishita den espacio cu Aruba su bandera!**

Empire Kids nan tema, '**Luna cu Solo**', ta trece un historia di e luna majestuoso, e calor i energia di solo, i e milagronan infinito di espacio i planetanan. Nan presentacion ta un interstellar visual, na unda **150 mucha homber i mucha muhe**, un cantidad cu a duplica desde aña pasa, ta personificando mini Dr. Cheungs, cada un cu un curason yena di soño, cla pa bula te na luna, y asina ta pinta e shelo cu nan aspiracionan.



**E storia no a caba, den e storia magico aki tin hopi cos pa celebra! E Grupo di Carnaval Empire ta celebrando nan 10 año di existensia, hunto cu nan banda Buleria cu tambe ta celebrando nan di 10 anniversario y como cherry riba e bolo of mihor bisa e strea riba e top di kerstboom, tin e scol prestigioso St. Paulus School cu ta participando hunto cu "Empire Kids". St. Paulus School tambe tin un ocasion special, unda nan ta celebrando nan di 60 anniversario, kiermen un fiesta grandisimo den espacio!**

Un combersacion entre luna cu solo, rondona pa alegría carnavalesco!

E ambiente tabata yena di emocion i anticipacion, mientras nan a crea un mescla harmonioso di tradicion i innovacion.

Den e spirito di union i sostenibilidad, e grupo di carnaval "**Empire Kids**" a sa di realisa nan soño di un futuro mas brillante i mas sostenibel pa e medio ambiente, recyclando no solamente materialnan, pero hasiendo uso di materialnan sostenibel cu un compromiso na ecoamistad, creatividad i innovacion, nan a traha un parada cu lo keda den nos memoria pa semper!!!



## **EMPIRE KIDS TA PRESENTA:**

### ***Opening Screen***

E opening screen ta presenta nos tema, pero tambe ta un manera di bisa un danki di curason na nos sponsor i partnernan increibel, mustrando nan logo den un forma visual, innovativo i creativo riba e pantalla.

Nos ta agradecido pa tur e sponsornan cu ta aporta y kere den e poder di muchanan, cultura i comunidad. Huntu, nos ta siña e proximo generacion cu Carnaval ta mas cu un fiesta, e ta un herencia di alegría, union i tradicion!

### ***Garosa***

#### **"Aruba te Luna"**

Un garosa cu conta un miyon di storia, ta hiba e soñonan di Aruba mas aya cu e strea! Cu e magia di Sapate di aña pasa, e dream team a transforma e rollerblades pa e boots di espacio pa Dr. Eduard Cheung, simbolisando su viahe increible i e marca cu e ta laga den NASA i mas aya. **"Aruba te Luna"** E tributo grandioso aki ta nos manera di honra Dr. Cheung awor mes, celebrando su impacto mientras e por sinti e amor i orgullo di su pueblo. Aruba te Luna!

I pa haci e biahe celestial aki ainda mas espectacular, nos ta presenta Empire su Reina Infantil, Nini! E ta personifica e magia di espacio, e energia di solo, i e misterio di luna, liderando su bailarina nan di futuro, unda soño por bira realidad i universo no tin limite!

For di Aruba te na Luna... e biahe ta cuminşa!

Diseño:

Gilliany Oduber

Carpinteria y efectonan special:

Oslin Boekhoudt

Gos Oduber

Arjen Homan

Visual:

Egmar Irausquin

Realisacion:

Gilliany Oduber

Donald Croes

John John Flemming

Wimpy Werleman

Roy Werleman

Soraya Werleman

Mariana Oduber

Darice Solognier

Rocío Burgos

Giannina Angela

Gos Oduber

Gina Hoek

Airbrush: Shaty



## *Mini Roadpiece:* **Un Biahe Magico pa Saturno!**

Den nos constelacion solar, e di 6 planeta ta Saturno! Su nomber ta un regalo di e Dios Romano di Tempo, Rikesa y Agricultura, i su belleza ta unico: un planeta rondona cu renchi di ijs i piedra, flotando den e inmensidad di espacio. Saturno ta tanto misterioso cu e ta magico, un planeta cu nos por mira for di mundo mes, sin nesesidad di un telescoop!

Pero Saturno no ta solamente un maravilla visual, e ta un planeta di enseñanza. Su energia ta siña nos cu perseverancia i determinacion ta e weganan pa vence tur obstaculo i bira mas fuerte cu nunca!

Awor, nos tres astronautanan valiente: Amora, Joswin y Kian ta tuma un mision special! Nan ta hibanos tres islanan, Aruba, Boneiro y Corsow, riba un biahe di fantasia pa Saturno, unda nan lo proclama nos idioma Papiamento na e universo completo, pa tur planeta sa cu nan ta ruman!

Un viaje cosmic, un mensaje di union, y un idioma cu ta bria manera un strea!

## *Mini Roadpiece:* **St. Paulus School – Un Biahe Espacial den Honor di 60 Aña!**

Celebrando nan aniversario di diamante, esta di 60 aña. St. Paulus School a traha un mini roadpiece pa forma parti asina di Aruba su gran celebracion, esta Carnaval! St. Paulus School, bishita den pasado pa Dr. Edward Cheung, ta haci uso di e metodo di orientacion mundial cual entre otro ta encera exploracion di e tema espacio y di e sistema solar. Esakinan ta ilustra riba e “piece” caminda nos por admira espacio, e solo, mercurio, venus, nos mundo, mars, saturno, uranio y neptuno. Tambe por admira lansamento di un raket, un capsula y 3 astronauta, entre otro un di nan riba luna cu bandera di Aruba. Pero locual no ta bisto, pero si tin hopi emocion, ta e dedicacion i creatividat di nos team elaborador! Seis maestronan i nan lider a logra crea e obra aki usando material recicla i reusa, un tributo na sostenibilidad den enseñanza.

Diseño: Juf. Maroeschka

Carpinteria y efectonan special: Men. Randy

Welding: Tata Alice y Leo

Realisacion: Juf. Cornelia, Juf. Shaylee, Juf. Rocalia,

Juf. Alice, Juf. Maroeschka.

Un celebracion di 60 aña, un inspiracion pa e futuro, i un historia cu ta bula te na luna!

## *Massa Ambiente: Mini Astros! Part 1*

70 Astronautnan di St Paulus School ta join e biahe di Empire 70 mucha homber i mucha muhe, guia pa nan maestronan dedica, ta forma parti di e massa spectacular di Empire, rindi un gran tributo na Dr. Eduard Cheung. Nan ta bria manera e solo, bistu uniforma di astronauta, simbolisando viahe, progreso, i inspiracion.

Riba nan headpiece, nan ta mustra e sistema solar un representacion di curiosidad i exploracion sin limite. Pa duna e toke final final usando e color nan di Aruba su bandera, un simbolo di orgullo i amor pa nos isla! Un paso na futuro, un honor pa un heroe, y un mensaje di union di Aruba te na Luna!

## *Buleria: Riba Ritmo di Futuro!*

Den e biahe pa espacio ta compaña e astronaut nan nada mas y nada menos cu nan houseband Buleria! Treciendo alegría di carnaval di muchanan pa muchanan!

Empire ta sinti su mes honra di tin e talentoso Rygel Isabella, un areglista hoben cu a gana varios premio den festival di mucha Tumba i Soca, como areglista asina probando cu talento Arubano no tin limite!

Buleria no ta solamente un banda, ta un fundashon di inspiracion, un grupo cu ta sostene i guia e futuro di musica Arubano! Un banda cu ta duna e Muchanan un plataforma pa canta nan cancionan di Aruba te Luna!

## *Massa Ambiente: Mini Astros! Part 2*

80 otro mini Astronautan ta tuma vuelo den Empire Carnival Group! Siguiendo nos banda vibrante Buleria, otro massa di 80 muchanan i teenagernan ta tuma escenario, pero esaki cu un toque espacial adicional!

Riba nan lomba, un raket, un simbolo poderoso di viahe, exploracion i soño sin limite. Cu determinacion, nan ta biahá pa luna, demonstrando cu e futuro ta cla pa bula halto!

Un biahe pa futuro, un honor pa un heroe, y un mensaje di union di Aruba te na Luna!

## Space Lounge

E famoso Food Truck di Empire! Dunando e muchanan e descanso y energia pa Bula te na Luna!

Empire no ta solamente ritmo i color, sino tambe cuido pa su muchanan! Nos famoso food truck a transforma bira mas cu un lugar pa busca cuminda, e ta un refugio, un oase di sombra i energia pa nos astronautanan chiki. Na unda nan ta ricibi nan snacks, bebeda y earplugs.

Pa asina nos ta sigur cu nan por disfruta e parada sanamente, sin mester rabia cu e solo, i cu stoma yen pa nan por keda jump bay luna!

## DANKI

Empire kier gradici tur sponsor, SMAC, tur hurado, mirones y sigur cada mayor cu ta lanta nan yiu nan den e ambiente di Carnaval den un forma alegre y sano.

E team di Empire Kids cu a traha incansabelmente pa trece un bunita parada riba caminda.

Kimberly Hernandez, Rebecca Maduro, Shahayra Morales, Sheralda Halley, Xavier Maduro, Jeanissa Maduro, JR Morales, Monica Robles, Michael Carty, Oslin Boekhoudt, Arjen Homan, Oslin Briezen, Zilha Bruin Wever, Sheretty Kelly, Jairee Oduber, Egmar Irausquin, Janice Boekhoudt bou liderasco di Queen-Anne Bergen y sigur un danki especial na Dr. Edward Cheung pa accepta nos reconoseimiento na su persona.

